

增修萬縣志卷二

地理志

建置沿革

故城

廢縣

夔爲禹貢梁荆之域而萬在雲安西蓋梁州分前志不言文不足徵也自朐忍羊渠置縣而萬之建置沿革乃頗可稽省志蜀漢隋唐省復更名皆有年數蓋其詳哉至於周秦并爲巴地余讀華陽國志漢書地理信矣而諸志不書毋乃過慎歟於是采輯補綴始自周初竊取徐蹇爭巴之意焉

萬縣志

卷二

地理志

建置沿革

一

萬縣周巴國地

華陽國志巴志武王既克殷封其宗姬於巴爵之以子其地東至魚復西至夔道北接漢中南極黔涪秦巴郡地

華陽國志巴志周慎王五年蜀王伐苴侯苴侯奔巴巴爲求救於秦秦惠文王遣張儀司馬錯救苴巴遂伐蜀滅之儀貪巴道之富因取巴執王以歸置巴蜀及漢中郡太平寰宇記萬州南浦郡今理南浦縣其地卽春秋時楚之西鄙爲夔子國亦熊摯受封之所

秦漢皆爲巴郡胸忍縣地

愚按春秋楚人滅夔以夔子歸杜註夔今建平秭歸縣春秋楚人秦人巴人滅庸左氏傳楚伐庸七遇皆北唯裨儵魚人實逐之杜註庸今上庸縣裨儵魚庸三邑魚復縣余考宋書晉太康地志秭歸有歸鄉故夔子國與杜合而隋唐書魚復梁爲信州唐初始改爲夔州然則今之夔乃古庸屬邑非夔子故國也夔故國爲晉秭歸與胸忍南浦域異梁荆萬豈熊摯受封之所且萬建魚復之西其達魚復水路三百里

萬縣志

卷二

地理志

建置沿革

二

秭歸又魚復下流華陽國志武王封宗姬於巴其地東至魚復萬自屬巴不屬庸亦不屬夔寰宇記萬卽春秋夔子國非是第其言秦漢皆爲巴郡胸忍縣地則據漢書云

愚按秦始分天下爲郡縣漢家郡縣多襲秦舊寰宇記謂萬州秦漢皆爲胸忍縣地秦漢相沿豈不然乎惜漢志有徵秦記不具然其地屬巴郡則俯仰周漢界畫荆梁無疑義矣

漢巴郡胸忍縣地

漢書地理志巴郡秦置縣十一江州臨江枳閬中墊江

胸忍容毋水所出南有橋官安漢宕渠魚復充國涪

陵後漢書郡國志巴郡十四城江州宕渠胸忍巴漢志曰

山有大小石城勢者閬中魚復臨江枳涪陵墊江安漢平都充

國宣漢漢昌寰宇記南浦縣舊八鄉今一十五鄉本

漢胸忍縣地續漢志胸認屬巴郡一統志表萬縣

漢胸忍縣地

後漢分胸忍置羊渠縣蜀漢建興八年改羊渠為南

浦屬巴東郡

萬縣志

卷二

地理志

建置沿革

三

華陽國志獻帝初平元年益州牧劉璋以胸忍至魚

復為固陵郡建安六年魚復蹇允白璋爭巴名璋乃

以固陵為巴東郡先主入益州改為江關都尉建安

二十一年以胸忍魚復羊渠及宜都巫北井六縣為

固陵郡章武元年胸忍徐慮魚復蹇機以失巴名上

表自訟先主聽復為巴東南郡宋書州郡志南浦令

下云劉禪建興八年十月益州牧闓宇表改羊渠立

羊渠不詳何志吳立郡志後漢置一統志南浦縣

蜀漢更名屬巴東郡

愚按後漢書益州巴郡十四城視前漢志增平都宣漢漢昌而羊渠不與焉宋書羊渠不詳何志吳立此省志三國吳置之所本歟然宋書多採何徐州郡其曰不詳疑之也夫胸忍至魚復之爲固陵郡自劉璋已然先主因之又增巫北井宜都卽秭歸蹉跌吳人未能越白帝而西豈能分胸忍置邑固宜其疑之而不敢定也華陽國志建安二十一年先主以胸忍羊渠六縣爲固陵郡羊渠見獻帝建安間其爲後漢置又何疑焉書缺有間矣安知不如和帝之分枳置平

萬縣志

卷二

地理志

建置沿革

四

都分宕渠東北置宣漢漢昌歟郡志作後漢置近是愚按晉書巴東郡南浦斷爲漢置而宋書直書蜀漢建興改羊渠立具年月果何據哉余讀宋書州郡志皆原本班固馬彪太康元年定戶王隱地道晉世起居永初郡國何徐州郡及地理雜書且謂三國無志事出帝紀雖立郡時見而置縣不書今唯以續漢郡國校太康地志參伍徵驗其志蜀漢改立南浦蓋非無稽至華陽國志記蜀平之後吳寇南浦已知南浦之名晉仍蜀漢若迄吳平巴東後省羊渠置南浦文

不比屬則簡編殘蝕脫誤不必曲爲解矣

晉及宋齊梁因之爲南浦縣

晉書地理志巴東郡統縣三魚復朐朐南浦宋書州郡志巴東郡領縣七魚復朐朐新浦南浦漢豐巴渠
朐陽 一統志晉宋齊南浦縣

按省志郡志舊志但言宋齊不及梁在梁武帝時巴蜀俱爲南朝有安得不書考梁書雖無志而武帝本紀有南浦侯蕭推以南浦爲封爵則邑仍舊名可知况隋書於宋齊梁所改郡縣名俱載地理志南浦未

萬縣志

卷二

地理志

建置沿革

五

嘗改革固當與晉及宋齊並書勿致一代獨闕也

愚按南齊書州郡志今諸本缺巴無考從 一統志書之梁書無志而武帝本紀載太清二年八月侯景反十一月攻陷東府城害南浦侯蕭推足證南浦仍舊故亦得書梁末萬已入魏故不及陳隋書地理志逮於陳氏土宇彌蹙西亡蜀漢亦其徵也

後魏改置魚泉縣

寰宇記南浦縣本漢朐朐縣地後魏廢帝元年分朐朐之地置魚泉縣以地土多泉民賴魚罟爲名 一

統志魏更名魚泉

愚按南北史梁孝元帝承聖二年夏五月魏大將尉遲迴進兵逼巴西秋八月平蜀卽魏廢帝之二年也寰宇記廢帝元年置魚泉縣是歲蕭紀據益州巴蜀尙非魏有魚泉置縣考古者疑焉然安知非己亥三豕之訛歟又寰宇記廢帝三年移巴東郡於梁置陽口縣理又安知魚泉置縣非三年一時事歟 一統志取隋書以改置安鄉屬後周錄正史也而後魏置魚泉仍從寰宇記補正史所不備也

萬縣志

卷二

地理志

建置沿革

六

後周置安鄉郡尋改縣曰安鄉郡曰萬川隋開皇初郡口十八年仍改縣曰南浦屬巴東郡

隋書地理志巴東郡統縣十四人復雲安南浦梁山
大昌巫山秭歸巴東新浦盛山臨江武甯石城務川
南浦注後周置安鄉郡後改縣曰安鄉改郡曰萬川
開皇初郡廢十八年縣改名焉寰宇記萬州後魏分
胸臆縣地置安鄉郡及魚泉縣後又改安鄉郡爲萬
川郡魚泉縣爲萬川縣兼立南州於此隋開皇初郡
廢而州存十八年改萬川縣爲南浦縣大業三年州

又廢并其地復入巴東郡舊志省志從隋書 一統志同

唐武德初屬信州二年析信州置南浦州領南浦武甯梁山八年州廢南浦隸夔州武甯隸臨州九年復置曰浦州仍領三縣貞觀八年改曰萬州天寶初曰南浦郡乾元初復曰萬州屬山南東道五代因之屬山南道地入前後蜀

新唐書地理志山南東道領江陵府及峽歸夔澧郎忠涪萬襄泌唐隨鄧均房復郢金十八州又萬州南

萬縣志

卷二

地理志

建置沿革

七

浦郡下本南浦州武德二年析信州置八年州廢以南浦梁山隸夔州武甯隸臨州九年復置曰浦州貞觀八年更名縣三南浦武甯梁山寰宇記山南東道萬州唐武德三年割信州之南浦梁山武甯三縣於此置南浦州領南浦梁山武甯三縣八年廢南浦州以南浦梁山屬夔州武甯屬臨州其年復立浦州依舊領三縣貞觀八年改爲萬州天寶元年改爲南浦郡乾元元年復爲萬州十道志萬州南浦郡土地所屬與通州同漢爲巴郡胸臆縣地舊五代史郡縣志

山南道州十八襄鄧唐復金忠萬夔利閬果朗集鳳
唐商隨合一統志唐五代萬州南浦郡武德二年
置南浦州八年廢旋復置浦州貞觀八年改萬州屬
山南東道

愚按唐昭宗初王建據蜀得五十三州凡二世而後
唐同光破蜀中間僅一年蜀四十六州復爲孟知祥
有終五代之世前後計七十餘年故五代史職方考
益漢以下數十州盡署蜀不獨萬州也然一統志
書五代而不書前後蜀小國割據不足書也以五代

萬縣志

卷二

地理志

建置沿革

八

統之而已始余讀舊志補前后蜀因唐爲萬州竊意
必非臆說方將搜羅霸僞參伍異同讀舊五代史山
南道忠萬夔仍隸郡縣志乃爽然自失矣

宋仍曰萬州領南浦武甯屬夔州路

宋史地理志夔州路州十夔黔施忠萬開達涪恭珍
南渡後州八夔達涪萬開施播恩宋寰宇記萬州元
領縣三今二南浦武甯一統志萬州南浦郡屬夔
州路南浦縣隸州

元至元二十年省南浦縣入萬州

元史地理志元至元十五年立夔州路總管府以施雲安萬大甯四州隸焉二十二年又以開達梁山三州來屬又萬州唐改浦州爲萬州又改南浦郡宋爲浦州疑萬州誤元至元二十年以南浦爲萬州領一縣武甯一統志元萬州屬夔州路南浦縣至元中省入州

明洪武四年省武甯縣入萬州六年改州爲縣屬夔州府

皇朝因之爲萬縣

萬縣志

卷二

地理志

建置沿革

九

明史地理志夔州府領奉節巫山大昌大甯雲陽萬開梁山新甯建始達州東鄉太平州一縣十二又萬府西少南元萬州洪武六年十二月降爲縣西有武甯縣洪武四年省隋書地理志武甯後周置南州南都郡源陽縣後改郡曰懷德縣曰武甯開皇初州郡並廢入焉寰宇記武甯縣本漢巴郡卽臨江縣地後周武帝初分臨江縣地置源陽縣屬南都郡至建德四年改南都郡爲懷德郡又改源陽爲武甯縣取威武以甯斯地爲名隋開皇三年廢臨州以縣屬巴東

郡唐武德二年改屬浦州卽今萬州是也 一統志
武甯臨江縣地後周武帝析置源陽縣兼立南州及
南都郡建德四年改懷德郡武甯縣隋州郡並廢以
縣屬巴東郡唐宋元俱屬萬州明初省入萬縣

按邑之名萬昉自周置萬川郡蓋取大江至此萬川
畢會爲名唐省川爲州明改爲縣顧梁嘗置萬州於

通州今之達縣隋又置萬州於盛山今之開縣而舊唐志謂萬

歲縣後周之萬縣隋加世字唐避御諱改萬歲縣隋唐俱屬萬州隋屬盛山所置之萬

州唐屬今治其得名皆在茲邑前寰宇記謂萬歲縣以縣

萬縣志

卷二

地理志

建置沿革

十

北有萬歲谷得名省志謂置於通州之萬州以州有
萬頃池爲名雖不無附會然在二邑則有說矣盛山
與茲邑其謂之何得毋彼廢此置地相近名亦相襲
耶然西魏改梁所置萬州爲通州以居四達之路爲
名後周改安鄉郡爲萬川亦以居羣川所會爲名別
無他義也

故城廢縣

漢胸忍故城 在今治東雲陽縣西大江北岸水經
注胸忍縣在巴東郡西二百九十里故城跨其山阪

南臨大江南岸有方山山形方峭枕側江濱後漢書
涅胸忍故城今雲安縣西萬戶故城是也後漢劉焉
傳躡以此遂屯兵胸認備表註屬蜀郡故城在今夔
州雲安縣西也吳漢傳宕渠揚偉胸認徐容等註十
三州志胸音蠢認音閏其地下濕多胸認蟲因以名
縣舊唐志萬戶城在雲安縣西三十里寰宇記胸忍
城漢縣在萬戶城西三十一里方輿紀要闕駟曰胸
音蠢認音閏胸認蚯蚓也土地下濕多胸認蟲也顏
師古曰胸音劬章懷太子賢曰雲安西萬戶故城卽
萬縣志

卷二

地理志

故城廢縣

十一

漢之胸忍縣後周復置雲安縣胸忍并入焉志云舊
城宋爲萬戶驛今名萬戶壩
愚按胸忍故城今雖在雲陽域內而實萬治得名之
始固應備書或曰今縣治北負山南臨江西十五里
有山曰萬戶城與水經注後漢書注合殆卽胸忍萬
戶故城也或曰非也舊唐志萬戶故城雲安縣西三
十里今縣治距雲陽水程百有餘里寰宇記雲安軍
西至萬州南浦縣一百四十三里西北至南浦口百
一十四里去萬治遠矣水經江水自臨江縣界壇又

□右逕將龜溪口卽胸臆縣界又東會南北集渠又右逕他溪口又東逕石龍又東逕羊腸虎背灘又東逕彭溪口又東至胸臆今縣治在彭溪西數十里倚池溪而瞰石龍非由彭溪而東也

愚按漢書胸忍縣胸從句忍無月顏師古注胸音劬說文胸臆蟲名漢中有胸臆縣地多此蟲因以爲名李燾記遍檢地志漢中實無胸臆劉禹錫嘉話錄胸臆夔州地名音屈忍蚯蚓也其狀屈忍然其細已甚何地下濕無蚯蚓而至以名縣矧雲萬山城地非卑

萬縣志

卷二

地理志

故城廢縣

十二

濕十三州志豈足信歟杜佑云胸音蠢李燾謂當作胸從句楊慎是之且云從句與地名何干然則秦始皇紀立石東海上胸界中非地名耶且五行志取須胸鄴邑地理志臨胸屬齊郡漢邑名胸者不獨胸忍說文胸脯脰申爲脰屈爲胸曲禮左胸右末屈中曰胸也管子古之祭者有時而胸胸遠也說文忍能也尙書必有忍其乃有濟左傳魯以相忍爲國胸忍義名可繹又巴漢志胸忍山有大小石城勢者而雲萬山石相望壁立如城惡在其以蟲名也胸忍字從漢

書音從師古爲是或曰忍本作朐

後漢羊渠故城 方輿紀要羊飛山縣西南五十里
蜀鑑云三國時有羊渠縣蓋置於山下

愚按大江南北城山俱無可考蜀鑑殆因羊飛山附
會云舊志童子放羊衝天說尤誕妄也

蜀漢南浦故城 在大江南岸舊志廢南浦縣在縣
治南岸蜀漢時置後周改曰安鄉隋復曰南浦元省
入萬州省志按水經注南集渠自涪陵北經南浦僑
縣西又北注江參考諸書疑南浦本在江北晉改置
萬縣志

卷二

地理志

故城廢縣

十三

於江南故曰僑縣後魏於江北置今縣隋始復故名
爲南浦

按水經注南集渠出涪陵界在大江之南自南而北
流入江曰北經曰北注皆南岸地足證南浦故城在
江之南省志亦以南集渠水所經之城在南岸但泥
於僑縣之言遂謂本在江北晉改置江南以牽合之
僑者旅寓之意六朝有僑置州縣地非其有置治他
所以遙領之故曰僑置如南雍州南梁州之類謂晉
改置故無據旣曰改置則江之南卽爲南浦新治矣

從無治在本縣而目爲僑置者考蜀鑑羊渠縣置羊飛山下在縣西南五十里則南浦乃蜀漢所新建相傳大江南負山濱江有坦坪周數里許爲南浦故城緬山川形勢繹命名之義當在江之南省志云後魏於江北置今縣考寰宇記後魏置魚泉縣以土地多泉民賴魚罟爲名今治環城泉最多足爲命名實證舊志於蜀漢所置故城直決其在南岸矣但謂之廢縣又謂後周改安鄉隋復曰南浦元省入萬州歷代沿革獨舉是三者以爲魏改其名未遷其地隋則并

萬縣志

卷二

地理志

故城廢縣

十四

復其名又以唐置萬州於江北歷五代迄宋州治皆在江北縣治仍在江南至元省入州江南之縣始廢故於隋復南浦之下不言唐宋所建置但云元省入萬州祇爲廢縣言之也廢縣者所治已省併別隸他邑故謂之廢若但移城改名則猶是本邑况城雖遷於今治歷代仍多襲舊名則當謂之故城不謂廢縣考岑公洞在江之南與舊縣毗近圖經云岑公名道願本江陵人隋末避地隱此使治猶未徙則囂塵近市安能避隱足證今治改於後魏時又考寰宇記隋

改萬川縣爲南浦縣以浦爲名蓋治已改置江北而猶襲名南浦故曰以浦爲名唐於縣置南浦州旋廢復置浦州不言南但稱浦猶以浦爲名意也足證隋唐治俱因後魏在江之北至於四望樓魯池西山亭見諸載籍名人題咏者皆在江北今治范石湖萬州詩晨炊維下巖曉酌艤南浦波心照州榜雲脚響衙鼓前山如屏墻得得正當戶只此數語萬州形勢悉繪

西魏魚泉後周安鄉隋南浦唐萬州故城 卽今縣

萬縣志

卷二

地理志

故城廢縣

十五

治在大江北岸郡國利病書南浦記云土地多泉民賴魚罟西魏於此置魚泉縣也隋書南浦注後周置安鄉郡後改縣曰安鄉開皇十八年縣改名南浦一統志表魚泉周爲郡治南浦縣唐爲州治方輿勝覽西山亭距萬州治二里宋郡守馬元穎魯有開元翰相繼修葺元天城石壁記萬在江北城號天生明史萬南濱江西有苧溪東有彭溪後周源陽武甯廢縣 在今治西南大江北岸隋書後周置源陽縣後改縣曰武甯舊唐志縣治巴子故

城寰宇記武甯縣萬州西南一百三十里大江在縣南十三步明史萬西有苧溪又西有武甯縣洪武四
年省有武甯巡檢司方輿紀要武甯廢縣萬縣西百
二十里漢巴郡臨江縣地

愚按今武陵場蓋卽廢武甯縣理萬縣西唯此爲大
鎮計里與寰宇記方輿紀要不相遠明有巡檢司今
廢甯曰陵傳訛也

愚按水經注胸忍故城跨其山阪南臨大江蓋在江
北無疑至分置羊渠其在江南北末詳也然宋書南

萬縣志

卷二

地理志

故城廢縣

十六

浦建興間閩宇表改羊渠立

本朝統志南浦蜀漢更名夫旣曰改立惡知非名易而
治亦遷也然則南浦南也羊渠未必不北矣蜀鑑縣
置羊飛山下之說果足徵乎若夫南浦之得名意以
治在江南故猶江南渠曰南集江北渠曰北集也水
經注南集渠出涪陵界北流逕南浦又北注江南浦
治在江南益信自是晉宋齊梁因之名與地如故逮
乎後魏始名魚泉顧一統志表載魚泉實本寰宇
記而記謂後魏分胸忍地置魚泉夫旣曰分置又惡

知非治遷而名始易也然則南浦南也魚泉又未必南矣故省志謂後魏於江北南浦地置今縣亦非無見也余觀後周置安鄉郡於魚泉後改魚泉縣曰安鄉郡曰萬川逮隋郡廢縣復名南浦而一統志魚泉於周爲郡治是魏之魚泉周之安鄉萬川隋之南浦治皆一地也唐以南浦屬信州繼置南浦州於南浦後州廢而南浦隸夔州後復置浦州至貞觀始更名萬州南浦隸焉而宋寰宇記萬州南浦郡今理南浦縣一統志南浦於唐爲州治是隋之南浦唐之

萬縣志

卷二

地理志

故城廢縣

十七

南浦郡縣南浦州浦州萬州其治又皆一地也自唐改萬州宋元相承以迄於明或省或降考諸遺文皆在江北今縣治卽明縣治也左彭溪右天城岷江緯其南都歷蹲其北西亭四望近接几席唐宋題詠石刻摩巖比挈形勢證據今古無不符合則自今治上溯萬州其在江北可知卽自萬州上溯魚泉其在江北亦可知矣或曰今縣治南岸南屏山麓巍然高曠起伏縱橫不下十里大江環抱如帶土人相傳其中爲蜀漢南浦故址云